

續修四庫全書

《續修四庫全書》編纂委員會編

續修四庫全書

上海古籍出版社

一八六・經部・小學類

爾雅注疏箋補三卷

〔清〕任基振撰

爾雅郭註補正九卷

〔清〕戴 銓撰

2678/06

爾雅注疏箋補

〔清〕

任基振
撰

據上海圖書館藏
影印原書
八毫米寬
一五二毫米
字芯高一
七稿本

唐石經爾雅之卷釋詁五釋親上釋宮五釋中釋并

五釋宮下者爾雅序次爾雅卷上四字項林寫以悅目

必釋詁第一釋詁一字分上下二字次而目必釋詁一頂林寫

以釋詁第一釋詁一字分上下二字次而目必釋詁一頂林寫

皆同其宗族必蓋而初原就序每低一字東多此字高字

也誤

釋詁五也爾雅卷下四字隔一行鄭氏評有脫故以意補上

書字只字上中卷皆然就有脫也

爾雅古小學之道也自豹鼠既辨斯文始盛然第以
為博物家言耳夫大司徒三物終六藝爾雅訓釋五
經辨章同異固六藝中一事而世已罕所究心徒尚
虛元競苦博謁甚至以蟲魚見病嗚呼小學之教廢
而實學寢微矣自來注是書者較諸經獨眇犍為文
學後訖於郭璞纔六家爾又率多不傳今所用者郭
璞注邢昺疏此外如方言釋名小爾雅廣雅可與爾
雅相發明者皆束高閣夫不通羣經不能治一經漢
儒專門名家皆以一經為主而九流百家莫不兼

綜條貫歸宿于是豈真分離乖隔云爾哉秦郵任子
領從為余壬午分枝所得士以所注爾雅一編視余
余嘆其用心之勤為舉世所不為顧公餘未暇辨證
也既與之上下其議論乃知其於漢唐宋諸儒羣經
同異及諸子史雜家言旁搜博採殫見洽聞而皆以
爾雅為之綱宗蓋任子病近世學者高虛之失退而
託於訓詁而爾雅為訓詁之祖姑以是為造端余嘉
其討論實學有合於古小學之遺也輒不辭謗陋為
之序通家生李時沛書於藍城官署

爾雅一書非經也蓋周秦之間經師各記其義以備
遺忘者其時毛鄭諸人未出說經者無所依以為訓
詁黷舍之中但以是編述相錄授亦如漢之急就唐
之蒙求云爾是書也古之里塾童子所朗誦者今之
稿項黃馘自命尊宿者猶不能窺其一隙甚矣古今
人之不相及也任君領從於書無所不讀而不肯以
虛夸無用之文入其目一日以所撰爾雅注疏箋補
示余余讀之兩月始竟考據精核議論闡偉真郭邢
之功臣詎僅為匙見者饋貧之糧哉昔胥臣多聞子

產博物見稱於列國故曰登高能賦可以為大夫宋
羅鄂州作爾雅翼自謂其書指毛命獸見末知根其
負如山其涵如海自譽如此而人不以為夸任君之
書真無愧斯言而猶歛然深不自足質其疑於槌埴
冥行如余者余既愧不如古人而讀任君之書又不
啻親見古人而與之奇賞而疑析也全椒金兆燕

爾雅六經之通釋也援爾雅附經而經明證爾雅以
經而爾雅明然或義具爾雅而不得其經殆爾雅之
作其時六經未殘闕歟為之旁摭百氏下及漢代凡
載籍去古未遠者咸資證實亦勢所必至叢閱莊周
書已而為之者已而不知其然語意不可識偶檢釋
詁已此也始豁然通乎其辭至若言近殊趣徃徃雖
讀應爾雅而莫之或知如周南不可休思釋言麻廕
也即其義幽詩豳月條桑釋木桑柳醜條即其義小
雅悠悠我里釋詁惺愛也即其義說詩者不取之爾

雅也外此轉寫訛舛漢人傳注足為據證如釋言閱
恨也郭氏云相怨恨鄭康成注小雅兄弟閱于牆閱
很也注曲禮很毋求勝很閱也二字轉注義出爾雅
又苛姸也郭氏云煩苛者多嫉姸康成注內則疾痛
苛癢苛疥也義出爾雅凡此遽數之不能終其物用
是知經之難明爾雅亦不易讀矣丙戌春任君松齋
以所治爾雅示余余讀而善之今又越七載任君官
京師猶孜孜學不已更出其定本屬余撰序夫
今人讀書尚未識字輒目詁訓之學不足為其究也

文字之妙能通妄謂通其語言語言之妙能通妄謂通其心志而曰傳合不謬吾不敢知也任君勤於治經蓋深病夫後儒鑿空之說岐惑學者欲使本諸爾雅以正詁訓故以是學先焉書中考索精詳辨據明晰則讀其書者固自知之休甯戴震

古訓故之書其傳者莫先於爾雅六藝之賴是以明也所以通古今之異言然後能諷誦乎章句以求適於至道劉歆班固論尚書古文經曰古文讀應爾雅解古今語而可知蓋士生三古後時之相去千百年之久眈夫地之相隔千百里之遠無以異昔之婦孺聞而輒曉者更經學大師轉相講授而仍留疑義則時為之也余竊謂儒者治經宜自爾雅始取而讀之殫心於茲十年是書舊注之散見者六家徒為文學劉歆樊光李巡鄭康成孫炎皆闕逸難以輯綴而世

所傳郭注復刪節不全邢氏疏尤多疏漏夫援爾雅以釋詩書據詩書以證爾雅由是旁及先秦以上凡古籍之存者綜核條貫而又本之六書聲音確然於訓故之源庶幾可與於是學余未之能也偶有所記懼過而旋忘錄之成帙為若干卷題曰爾雅注疏箋補聊以自課而已若考訂得失折衷前古於爾雅萬七百九十一言合之羣經傳記靡所扞格姑俟諸異日高郵任基振

爾雅注疏箋補卷上

釋詁第一

釋言第二

釋訓第三

釋親第四

釋詁第一

趙官先通古今曰釋詁以今古言釋言釋其所釋曰釋訓

初哉首基肇祖元胎倣落惟與始也

陸德明經典釋文哉亦作裁按哉才古字通許叔重

說文解字才草木之初也徐鍇繫傳云古亦用此為

纔始字又古文尚書亦用此為哉生魄字

書大甲篇非差九開厥後介匪面作聲哀元年左傳龍布其德而兆其謀杜注兆始也

漢書東方朔傳本仁祖義師古曰以仁為本以義為

釋詁第一

始、

聘禮燕與羞俶獻無常數鄭注俶始也始獻四時新

左傳昭公七年願與諸侯落之杜注宮室始成祭之

為落。

逸周書周月篇終則復始是謂日月權輿

林蒸天帝皇王后辟公侯君也

折也

月權輿。楊雄云天地生祐故稱權輿。石渠與
河南通志云權輿天地之體者詩具
始不知權輿字者漢武以作權輿皆違文不可

詩小雅有壬有林、孔疏毛謂有祭祀之大禮、有孝子之人君、漢書律歷志、林鍾、林君也、言陰氣受任助蕤